





در ۱۰
۱۰
۱۰

صنوا لافندور

جوخت	کولک	اکو صفت	زنجیره
۱۰	۱۰	۸۸	۴

کلب بشر با توپ کولنده

۱۰

قسط طنبه بنا اولوب فتح اولونون
بود تیا نك ۲۸۸۸ میل کجشد
تاریخ اتفاقیله شویله واقع اولمشدر

ادم پیغمبر دن نوح پیغمبر کلنج ۵۵۰ میل کجشد
نوح دن شداده کلنج ۸۵۵ میل کجشد
۴۰ عاده هجرة رسول عم کلنج ۲۵۰ میل کجشد

قسط طنبه بنا اولوب فتح اولنجغه دکین
بود تیا نك ۲۸۸۸ میل کجشد
تاریخ اتفاقیله شویله واقع اولمشدر

ادم پیغمبر دن حفرق نوح پیغمبر کلنج ۵۵۰ میل کجشد
حفرق نوح دن شداده کلنج ۸۵۵ میل کجشد
شدادن عاده هجرة رسول عم کلنج
۵۵۰ میل کجشد

۷۸۶

۷۱۹



هَذَا رِسَالَةٌ طَيِّبَةٌ لِأَذْكَارِ

بِسْمِ اللَّهِ الرَّحْمَنِ الرَّحِيمِ
الحمد لله رب العالمين والصلوة والسلام
على سيدنا محمد وعلى آله واصحابه اجمعين
اما بعد معلوم اوله كه بو عبد فقير سرز اكران
قوجه مصطفى پاشا در و ليش احمد المعروف
بشكاري زاده سايه اولياء الله بعناية
الله تعالى بيك ايكوز التي سنه سي مرحوم
ومغفور له الى رحمة ربه الغفور مناجق
زاده اسحاق افندي حضرتلرينك اوغلي
فضيلتو محمد عطاء الله افندي حضرتلري
مدينه منون قاضيسي اولوب معية برسنة
كاملاً مجاور اولمغله هر بر شيك حقيقتنه وال

اولدوغم

اولدوغم ايچون نقل اورؤيه واقف اسراري
اولديغم احوالي قلله آلب تحريرايتد مكه قراءت
ايدن قريدا شلرتمه عشق محمدي غالب اولوب
زيارت شريفنه سعي ايدوب موفق اولنلر
و كرك قراءتيله متلذذ اولوب كثر صلو
وسلامه مشغول اولنلر بويچاره في دخی
خير ايله يادا يللري ايچون تفصيلاً نقله شروع
اولنور جناب حضرت مولاه قراءت ايدن
قريدا شلر يمي قريبا اول ديار مقدسه لرك
زيارتيله مسرور ايليه آمين بحرمة سيد المرسلين

باب وصف حرم شريف

معلوم اوله كه حرم شريفك درت قپوسي
وارد برى باب السلام برى باب الرحمة
برى باب النساء برى باب جبريل دخی

ایکی پنجره سی وار در بری جبریل پنجره سیدر
وبری مواجعه پنجره سیدر طولاً و عرضاً
ایا صوفیه دن بیوکدر لکن نصفی سقف
ونصفی آچقد رجله سی مسجد دندر و درون
مسجد ده حجره شریف بشقه شبیکه ایله
محفوظدر منبر ایله شبیکه بدینه روضه
مطهره تسمیه اولنور سر سعادتلری جانبیدر
و مواجعه شریف یمین سعادتلری جانبیدر
واغالریک اولدیغی یره تکیه دیولر سیدر شریف
جانبیدر جبریل پنجره سی قدم سعادتلری
جانبیدر بونلر درون مسجد ده و خارج
شبیکه ده در درون شبیکه یه حجره شریف
تعبیر ایدر لر بو محله صاحب فراشیه و بعضی
انتسابی اولان کسینه لردا خل اولور ماعدا
حجاج خارج شبیکه شریفه مواجعه سعاد

زیارت

زیارت ایدر لر محراب عدد محراب بنی علیه
السلام محراب سلیمانی محراب عثمانی رضی الله
عنه محراب تمجد علیه السلام محراب بنی
و محراب سلیمانینک یمین و یسار لرنده بررقیو
واردر مواجعه شریف طرفه آچیلور
مواجهه شریف طرفی باب السلامدن حصه
حضوره وارنجه مرمر لکدر باب السلامک
صولندن مواجعه سعادت وارنجه برحق
ذراع بوی اوج قات فراشین دولابیله
قطع اولمشدر صاع طرفی محراب عثمانی
طرفیدر نماز قیلنور کن حجاج باب السلام
طوغری مواجعه شریفه کیدر لر مانع
صلوة اولمز زیر اجتماعتک باشلری کورینور
دولابلر حائلدر اگر جماعت کثرت اوزره
ایسه امام محراب عثمانیه یه دورر اولزمان

باب السلامدن نماز قلنور کن کیمسه کیره من
محراب بنی شبیکه ایله منبر بینده در او محله
روضه مطهره دیر لر محراب بنینک قبولرند
یازلمشد که مابین بیتی و منبری روضه من
ریاض الجنة و برند من زارنی بعد مماتی فکائنات
زارنی حیاتی بوا یکی حدیث شریف یازلمشد
صدق رسول الله محراب سلیمانی منبرک اوت
طرفند در ایکی قبوره اوراده واردر برند
من زار قبری وجبت له شفاعة حدیثی یازلمش
صدق رسول الله و برند و ما ارسلناک الا
مبشرا و نذیرا آیتی یازلمش صدق الله العظیم
مواجهه سعادت اوزرند انما الاعمال بالنیات
حدیثی یازلمش صدق رسول الله التیوز او توزید
قندلدر ایکیوز یکر می التیسی بنار باقیسی
دورر او چیوز اون ایکی دیر کدر ایکیوز

یکرمی

یکرمی ید یسی بیانی دیر کدر یکر می ید یسی
کاشی دیر کدر الی ید یسی مرمر در غایت
لطیف اولدی و بومر مرمر دیر کدر روضه
و مواجهه شریفه در کاشیلر اعنالر
طرفند در قصوری اطرافند در بش
مناره سی واردر جمله سنک اعظمی
رئیسیتیه در قیوسی مواجهه به قارشور
ازانه آندن بد ایدرینه آندن ختم ایدر لر

باب وصف حجره معطره

معلوم اوله که حجره معطره نک قیوسی
در تدر بری باب فاطمة الزهری بری
باب شامی بری باب روضه مطهره
یعنی باب توبه باب وفود دخی دیر لر بری
باب مواجهه یعنی باب اجابه دخی دیر لر
درون شبیکه به داخل اولان کیمسه عرشند

وگرسیدن اشرف یه کیردم دیومین اتسه
صادق در زیر امدا هباربعه حجره سعادتك
ایچی عرش وگرسیدن اعظم دیو فتوی ویرمشلر
یتمش قندل وارد در بشقه درون شبیکه ده
ینار وایکی کبیر آلتون شمعدان وارد در بری سر
سعادتلر نده وبری قدم شریف طرفند هر کجه ینار

باب خدمت حجره شریف

معلوم اوله که آلا هر کون بعد صلوة الصبح
تعمیر دیر لر مجاور فرآشین و بعضی اهل محبت
آخر حرم شریفه یاغ خزینه سی دیر لر بریر
وارد در جمله سی او محله جمع اولور لر دعادن صکره
هر کسک یدینه بر صغیر بقرچ وبردسته
یاغلی فتیل ویر لر ودرت کیمسیه دخی
برر یال دلی ابریق ایله زیت یاغی ویر لر
بعد هر کس صلوة و سلام ایله روضه مطهره

توجه

توجه ایتد کیری کی نو بتی اغالر مقاملر ندن
قیام ایدوب اللرینه بر راوچی چنکلی عصا
الوب فرآشینک اوکینه دوشوب صلوة
ایدم رک قنادلری برر بر ایند یروب فرآشیر
اوکینه طوتار لر آنلر دخی اسکی فتیل اخذ ویرینه
جدید فتیل وضع ایدوب یاغلیوب محللرینه
وضع اید رک اداء خدمت ایدر لر بعد
صلوة اشراقی قیلوب داغلور لر صکره کناسلر
کلور لر حرم شریفه سپور مکه باشلر لر اغالر
کلور قائماً منتظر ایکن حجره معطره ده که تعمیر
تمام اولدیغی کجه یا کناسلر دیوند ایدر لر جمله
بردن داخل حجره شریف اولوب توجید ایدر
سپور لر بعد جمله اغالر کلوب علم اتم
قائماً منتظر اولور لر اگر ایچلر نده مجرم وار
ایسه ضابطی اوکینه کتور لر بر مقدار

نصیحتدن صکره دینک امراید راو ساعت
 ایکی کشتی طوته رق موم حجره سی وار در
 حضور قارشو آنک ایچینه کتوروب
 فلقه یه قورلر اغالر قیو طشره سند قیاما
 دورلر دعا اولور بعد کلمه شهادت ایله
 ضرب ایتمک باشلرلر اهل جرم امان
 یارسول الله صل علی النبی دیو فریاد ایدر
 اگر برکیمسه رجا ایدر سه قبول ایدر لر
 ایتمز سه فاتحه اولنجه قدر ضرب ایدر لر
 بعد اوکینه نوبتی اولان اغالر اصحاب صفه
 محکمه حضوره قارشو قعود ایدر لر ما
 باقیسی برر برر کلوب محراب تهجد یمینند
 بر دیرک وارد برکرة صریتی اوروب
 اسیکلرینک الی اوپوب لقمایه کیدر لر بو
 ارکانه دستور آله تعبیر اولنور

باب خدمه لیل

واداب ایقادر قنارل معلوم اوله که اخشامه
 یارم ساعت قالنجه جمله فراشین و اهل محبت
 برر بول نیلی خرقة کیوب بلندن برشی ایله بغلیوب
 حاضر و آماده اولور لر اون دقیقه قالنجه
 موقت محفل آلتندن شمع له تعیین اولان
 فراشه اشارت ایدوب اورخی یرندن حرکت
 ایدوب منتظر اولان فراشین بلند آواز ایله
 برکرة بسم الله دیوندا ایدنجه جمله سی بردن
 سرعت ایله شیخ الحرمک اوکینه واروب
 حضور قارشو قائم دورلر شیخ الفراشین
 کلوب دعا ایدوب بعد الفاتحه موم حجره سند
 ایکی کبیر آلتون شمعدان ایله بال موملرینی برینی
 شیخ الحرمه و برینی نائب الحرمه و یروپ اراب
 تعظیم ایله حجره سعادت ارخال ایدوب برینی

سر سعاد تدرینه و برینی قدم شریف تدرینه وضع
ایدوب عتبه سعادته یوز سورب صلوة
وسلام اید رک طشم چیقار کن ایقار قنادل
ایچون ایکی کسسه اللرینه بر راوجی اگری شمع
ویرر لر و بریده حلواچی کلاهی کج باقر دن
دو که بر شئی ویرر لر که شمع یی ایچنه طوتوب
یر دامله مسی ایچون بری یمین شریفند
وبری یسار سعاد تدن داخل اولوب صلوة
اید رک تعظیمیله اداء خدمت اید بنجه طشم
قند للرینی باقی فراشینلر تکمیل ایدر لر بعد
ازان شریف باشلر بعد اداء صلوة هر کس محللرینه کیدر

باب خدمه عشاء

معلوم اوله که بعد صلوة العشاء جماعت کندکن
صکر جملة اغالر اللرینه بر رکویکی فزری الوب
هر بری بر ررنک اوله رق کوشه بکوشه حرم

شریف

شریفی کز رک باب السلا مه کلوب قیار لر اکر ایچروده
بر یکسه کورسه لر بسم الله دیو خطاب ایدوب
طشم چیقار لر زیر احرم شریفه دنیا کلامی
اولماز اکر چم شریفه اولورسه لا اله الا الله دیو
خطاب ایدر لر بومنوال اوزر قیولری سدا ایدوب
باب الرحمه اوکینه جمع اولوب حضور قار شو
متوجه اولوب ایچندن بریسی بلند آوازیله بر
کره صلوة ایدوب جمله سی بردن بر کلبنک محمدی
چکر لر که انسانک هر بر موی اوق کج اسبابندکن
طشم چقوب قلبی طاشدن اولسه یاغ کج
اریر اویله مهابت لیدر که بروجهیله طاقت کلز
بعد هر کس محللرینه کیدوب یا تور لر لکن آچقلاق
اولان یر که باب النساء اوکنده میداندن حضور
قار شو آند یا تور لر بر چادر کج بزدن شیلری
واردن باشلرینی روضه مطهره یه ویروب

عمامه لرینی چادرک دپه سنه قیوب نصفی
چادرالتند و نصفی طشره ده اوپله وحدت
ایدرلر برکیمسه طشره دن کورسه شویله ظن
ایدرکه صاف صاف قیامده دورلرکی کورینور
زیراقا و قلری چادرک دپه سنه اولمغله هر
بری بر قائم آدم کی کورینور وقتا که طلوع
الشمسه اوج ساعت قاله رئیس مؤذن قیو
خارجند برکرة لا اله الا الله دیوندا ایدر ایچرودن
نوبتجیلر اکاه اولوب محمد رسول الله دیوندا ایدوب
فتح باب ایدرلر بعد مؤذن کلوب حضورده
مناره قیوسی اوکنده مواججه یه قارشودوب
تعظیم ایله عشقیله برکرة صلوة ایدوب فاتحه دن
صکرة مناره یه کیدر **هذا صلوة** اللهم صل وسلم
وزد وانعم وبارک علی اسعد العرب و آلهم و امام
طیبة و الحمر سیدنا و مولینا محمد و علی آل

سیدنا

سیدنا محمد و سلم و رضی الله تعالی عن کل
الصحابه اجمعین الفاتحه دیوندا ایدر بوکه
دستورالمله دیرلر بعد مناره ده تسبیح
و تهلیله باشلر هر کس خانه لرنده بیدار اولوب
اماده اولورلر بعد التسبیح برازان او قورکه
آکه الک اذان دیدیلر او آنده جمیع اهل بلد
حتی صبیانه و ارنجه مسجد شریفه حاضر
اولورلر کی تلاوت ایدر کی صلوة ایدر کی
توحید ایدر کی بکا ایدر برمهابت و بر ایکلدی
و بر حالتدرکه بروجهیله تعبیر کلر بعد
الاذان مؤذن صلوة باشلر چاق فجر طلوع
ایدنجه فجر طلوع ایتدیکی کجه برازان دخی او قورکه
اگا وقت اذانی دیرلر صکره مؤذن اینوب
تکرار حضورده بر فاتحه ایتدیکی کجه جمله
جماعت سنته شروع ایدرلر بعد اقامت

اولوب شافعی قیلار زیر اشافعی جمله دن اول
قیلار حتی حنفی ایله بینی بر ساعتدن زیاده
فرق ایدر شافعی سلام و یردیککی کبی در سلسله
باشلر و مکینلر و حفظه سعی ایدنلر او وقت
او قورلر چاق وقت حنفی کیرنجه حنفی وقت
اولدوغنی کیه اغالر طرفندن صلا دیوندا ایدرلر
بعده اقامت اولور نمازی قیلارلر و درخی بش
مناره سی وارد در هر مناره نك یدیشر مؤذن
وارد در جمله سی او توز بش مؤذن در او توز بش
گاس وارد یعنی قیم دیکر وظیفه لی امام
حنفی یکر می بشدر امام شافعی اون ایکی
خطیب حنفی یکر می خطیب شافعی اون
خطیب مالکی بر خطیب حنبلی بر جمله
موظفدر اوقات خمس ایکی محرابده قلنو
بری محراب نبی علیه السلام بری محراب سلیمان

برند

برند شافعی برند حنفی قیلار لکن نوبتله
قلارلر محراب بنیدن برکون شافعی برکون حنفی
محراب سلیمانیدن کذلک محراب عثمانیدن حج
وقتی و معراجده قلارلر زیرا او وقت جماعت
کثیر اولدوغنی ایچون بویله در جناب مولا
قرأت ایدوب استماع ایدن قرداشلری قریبا
زیارتیله مسرور ایلیه آمین

باب غسل حجره سعادت

برسنه ده اوج دفعه غسل اولنور بریسی
ربیع الاولک طقوزند بریسی رجب شریفک
یکرمی برند بریسی ذی القعدنک سکرند
برکون قندلری و برکون حجره شریفی غسل
ایدرلر رسم غسل حجره شریف معلوم اوله
اولا حجره شریفک اغالر طرفند اولان باب
شامی تعبیر اولنان قیوی کشاد ایدوب

۱۰
اغار اوج بلوک اولوب غسل ایدر لر بر بلوکی
سکین رسمند تیمور لر ایله قاضیرق و بر بلوکی
خرماد آلدن سپور که ایله و صوایله غسل
ایک رک و بر بلوکی کبیر سوئکر لر ایله سیله رک
صاف صاف بری بری آردنجه آداب ایله غسل
تمام ایدر لر حاصل اولان ماء غسلی خارج
حجره شریفه موجود اولان اهل محبت شکر
شریعتی کجه نوش و یوزینه کوزینه سور دکن
صکر خادم حجره شریف اغاری بعضی
اهل محبت و اعیان و اشرف بلاد یه هدیه
کنورب عظیم بخشیشلر و کلی منفعتلر حاصل
اولور منوال مشروح اوزر غسل اولور کن
جمله سی بر آغز دن بلند آواز ایله لا اله الا الله
محمد رسول الله دیوز کر باشلر لر و طشرد
اولان زوار بر آغز دن صلوة و سلامه باشلر لر

حرم شریفک ایچی بر حال کسب ایدر که جمله
حضار مجلسک وجود لرینه رحشه کلوب
کوزلر ندن یغور کی یاش باشلر آقمغه بر مهابت
و بر دهشت و بر صفا و روحانیدر که تقریری
ممکن دکلر رؤیته محتاج درهما الله عظیم
الشان جمله یی اوز و قیله ذوقیاب ایلیه آمین

باب عدد آغا

و خادم سلطان انبیا معلوم اوله که خادم
رسول الله اولان سکبان اغادر قرقی عجمدر
یعنی بطال تعبیر اولنور قرقی حبزی در لر
اهل خدمتدر اگر حبزیدن بری کیدر سه
بطال دن بری یرینه ادرخال ایدر لر مذکور
حبزی تعبیر اولنان قرق اغانک اون التیسی
بوآب بنی علیه السلامدر و بو بوآبه شیخ
الحرم درخی داخلدر و درخی بو اون آلتی بوآبک

دوردی ضابطدر ویول ایله اولور لر نائب
حرم مستسلم حرم خزینه دار حرم نقیب
حرم ولباوان الی بواب بنی نوبتله کیجه ده
دوردر کشتی حجره شریفه خدمت ایدر لر
برکون و برکیجه ده هر نه فتوحات اولور سه
نوبتی اغالرندر اگا کیمسه قارشمز حتی شیخ
الحرم دخی آنلرک بریدر لکن بومذکور درت
ضابط ایچندن یول ایله اولور اما شیخ الحرم
بشقه در طشم دن کلور آداب وارکانلرینه
هیچ سوز اولمز بودرت بواب نبیدن غیری
اولان اغالر کرک عجمیدن و کرک حبزیدن کل
یوم یکر می یکر می بش اغا اصحاب صفه مقامینده
ایکی دیز اوزرینه حضون متوجه او تورب
کی تلاوت کی ذکر ایله مشغول اولور لر غایت
مبارک آدم لر در لیل و نهار آنلرک دعا سی

و محبتی

و محبتی اوزریمزه لازمدر الله تعالی
محبتلریله قلمیزی املا ایلیه آمین

باب عدد فرآشیه شریف

فی الاصل معلوم اوله که ابتدا وضع اولنا
فرآشیه شریف هر بر فرآشیه یکر می دوردر
قیراط اولمق اوزره یوز فرق فرآشیتدر بویوز
قرقدن بریسی یکر می دورت قیراط اوله رق
تحت پادشاهیه بغلیدر و نصف فرآشیتکه
اون ایکی قیراط شریف مکه به بغلیدر
وربع فرآشیتکه الی قیراط حجره سعادتده
فرآشیلله بغلیدر و ربع اخری اولان الی
قیراطی نقیب فرآشه بغلیدر مابا قیسناک
هر بر قیراطی التیشریدیشر سکر فرآشیه
اوله رق اوج بش بیک فرآشیت اولوب تکرر
ایتمشدر هر کس بود دولت ایله شرفیاب اولسی

۱۷
ایچون دولت علیه بویه مراد ایتشلر جناب
مولا بحرمه النبی علیه السلام بود دولت علیه
الی نهاية الدوران ابقا ایلیه آمین

باب قاعده جمعه

اداء صلوة معلوم اوله که جمعه کونی اذانه
بر ساعت قاله مؤذنلر مناره لرده صلوة وسلا
باشلرلر اهل بلد جمله سی فوج فوج مسجد
حاضر اولوب حضور قارشوکی صلوة وکی
تلاوت وکی ذکر تسبیح و تهلیل مشغول
اولورلر و محفللر دورخوان مقامند ثوبله
بر بر قائماً حضور قارشو بلنداوازايله
الصلوة والسلام عليك يا سيدنا يا رسول الله
دیو فریاد ایدر لر چاق اذان تقریب ایدنجه وقت
وقت دخول ایدر جمله مناره لردن اذان محمدیه
باشلد قلری کی جماعت سنته شروع ایدر لر

اذانلر

اذانلر تمام اولنجه هر کس سنتی قیلوب تمام
ایدوب حاضر اولورلر اذان بتدیکی کی
خطیب افندی حضور سعادتده افندیزدن
دستوراللوب اوج آیت کریمه وان الله آتی
قراءت ایدر کن منبر شریفه تعیین اولان اغارلر
برسی کمال اداب و تعظیمله کلوب منبر شریفه
برده سنی رفع ایدوب قیوسنی آچار و یمین
ویسارند اولان علملری کشار ایدوب منتظر
ایکن محفلدن مؤذنلر صلوة وسلامه باشلر
برده او وقت خطیب افندی حضور سعادتدن
منبر شریفه توجهده او کئند برالی عصالی
چور باجی و برده مؤذن منبر تعبیر اولنور
بر ذات الله قیل و بوینگر رداء بعد خطیب
باشنی شال ايله پوشیده ایتش اغراغرو قار
اداب ايله کلوب منبر قیوسندن کیروب برقاج

قدمه فوقند قعود ایدر بعد محفلده حاضر
اولان مؤذنلر جمله سی قیام ایدوب دورلر
خطیب افندینک اوکنده کلن مؤذن منبر
قیوسند خطیب افندییه دونوب منبر
قیوسی اوکنده برکرة الله اکبر الله اکبر دیوازانده
باشلدوغی کجه محفلده حاضر اولان مؤذنلر
جمله بر آغز دن الله اکبر الله اکبر دیو برازانده
آنلری باشلر بر اشاغیدن و بر یوقارودن بو
اسلوب اوزر تمام ایدرلر بعد باش مؤذن
لغو حقند اولان حدیث شریفی قراءت ایدوب
سکوت ایدر **هذا حدیث شریف** عن ابی هریرة
رضی الله تعالی عنه انه قال عن النبی صلی الله
علیه وسلم اذا قلت لصاحبک یوم الجمعة
انصت و الامام یخطب فقد لغوت انصتوا
رحمکم الله صدق رسول الله بعد خطبة

شریفی

شریفی قراءتنه باشلر مؤذنلر ترضیه و ترضیه
الورلر بعد جمهور ایله اقامت و جمهور ایله
تکبیر الورلر بعد السلام یارب اغفر الورلر
آیه الكرسی و تسبیح و آمین جمله سی جهر ایله در
حتی قبل الدعاء یا لطیف یا کافی او قورلر
اما جمعه یه مخصوص صدر سائر اوقاتده
تکبیر دن ما عدا سی خفیدر لکن بو مجلس
بر مجلسدر که هر کس کند و دن کچر بر ذوق
روحانیدر که قاله کلن رؤیته محتاجدر
حتی اهل بلد بینندن او یله مشهوردر که
علیه الصلوة و السلام افندیمن بلا تکلیف
حضراً اوقات خمسة ده جماعته حاضر
اولورلر دیو علماسی اتفاق ایدر یورلر زیر ایزم
ایمانن افندیمن علیه الصلوة و السلام حی
فی قبره در دیو اعتقاد ایتکدر دیرلر او یله

اولدوغنی کی برکته تفکر ایله بو عالمه کلدک
بوخه سنه عمر افنا ایتدک فکر و معاش طول
امل ایله امرار وقت ایتدک سنکله کمتیه جک
وسنی ترک اید جک شیلرک محبتیه برایشه
اولدک که دولت سرمدین مال و اولادین سکا
نفع و یرمد وکی وقت که وقت حالت نزعدر
کیمسه حالندک بلز و کیمسه سکا مدد رس
اولامز ایشته او وقتک دستگیر مزاولان
رسول اکرم و نبی محترم صلی الله علیه و سلم
افندیمرک زیارت شریفنه بر طریق ایله
موفق اولمامه کشتیه غایت بیوک الم و بوند
اشد برغم اولور می نیچه بر غفلت نیچه بر غیره
محبت فداک ابی واقعی و مالی و اولادی
و روحی دکلیدر سن همان کیریوله الله
ولی التوفیق مضمونی اوزر سعی ایت برکون

۱۶
اول اولمقامه یوز سورب اوجماعته حاضر اوله
کور بر جماعتکه صفک باشندک اون سکر
بیگ عالمک خزی محمد المصطفی صلی الله علیه
وسلم افندیمر اوله و برین سحر اید جک سن
روضه من ریاض الجنة اوله او کیمسه نک
دینا و آخرتی معمر اولمزده کیم اولور حتی
علماء مدینه بر مرده عظیمه دخی خبر و یرور که
من زار قبری وجبت له شفاعتی حدیثندکی
وجبت له ده مرده عظیمه واردر افندیمرک
شفاعتی اهل ایمانه واجبدر اوله اولنجه
بنم قبر شریفی زیارت ایدن اتم البتته
ایمانیله کیدر دیمک اولور مخبر صاد قدر
صادق الوعددر سوء خاتمه دن امین
اولمقلق مرده عظیمه دکلیدر والله العظیم
هرکیم نیت خالصه ایله توجه ایدر سه

فقیر ایسه غنی اولور مدیون ایسه خلاص
اولور مریض ایسه شفا بولور مجرم ایسه
مغفور اولور کوج ایشلری آسان اولور
ذلیل ایسه عزیز اولور هر مرادی حاصل
اولور همان جناب مولا بور ساله فی عشقه
قرآت ایدن قرنداشلریه عشق محمدی فی
احسان ایدوب کرمندن هر برینی اوسعاده
مظهر ایلده آمین و بویچاره فی دخی خیر
ایله یاد ایدن لر رؤیه جمالیله اکرام ایلده آمین
بوفقیرک مرادی انجق دین قرنداشلری
تشویق ایله اداء فریضه ایدوب ایتیمیلرک
حقندن اولان حدیث شریفلرک تهدیدندن
خلاص بولوب اهل سعادت زمره سنه ادخا
اولملری نیازنده بور ساله فی تحریره شروع
ایتدم جناب مولا تاثیر فی خلق ایدوب

جمله اقامت محمد ایله بویچاره فی دخی ایکی جهانده
مسرور و نیتیم ایله مأجور ایلده
آمین بحرمه سید المرسلین
باب رسم مولد شریف
معلوم اوله که لیل مولدی بعد الاحیاء
صبح نمازندن صکره که اون ایکی
کوندر باب النساء اوکنده میدان بر
گوشی قورلر مواجهه قارشو سیدر
جمله اشراف مدینه وقاضی بلد شیخ
الحرم و سائر اعالر و ضابطان علم ایتهم
اوتورلر زوار اطرافنه جمع اولورلر
عود و عنبرلر آسمانه پیوسته و نشر
کلابیله حرم شریفک ایچی عطرناک اولدق
خطباردن بش کیمسه نوبت ایله کرسیه
چیقوب عزنی مولد شریف قرآت اولنور

بعد دعا صکره شربت لایچلور هر کس اولرینه
کیدر لر طلوع شمس دن قوشلق و قینه د
تمام اولور او کون دگانلر آچلر درسلر او قونر
و برکیمسه ایشیلر مشغول اولر طوبلر
اتارلر شند کلر ایدر لر صغیر و کبیر لباس
فاخره لر کیوب بری برلر یله معاید ایدر لر
اول کونه غایت تعظیم ایدر لر اهل بلد بیند
عید اکبر بودر دیو اعتبار ایدر لر زیر ابو کوند
فخر عالم محمد المصطفی علیه الصلوة والسلام
افندی مژک دنیا یه تشریف لری کونیدر که
عالم یکیدن جان بولدی جهان نور ایلر
منور اولدی سائر لیالی مبارکه لر
رمضان بیرام حج و قربان جمله سی آنک
حرمتنه احسان اولدی و فرقان عظیم
آنک شانکه نازل اولدی اولر ذات عالی قدر

تشریف

تشریف کونی عید اکبر اولمزد نه اولور او کوند
جمیع ایشدن بری اولوب اظهار سرور
ایتمک جمله اهل ایمانه فرض کیدر دیو هر کس
ذوق و صفا ایدر لر قبیله عربده اعمال
حسنه دندر الله جمله مژک قلبند
عشق محمدی بی مرزاد ایلر آمین

باب رسم رجب شریف

معلوم اوله که رجب شریفک اون ایکنی
کیجه اهل مدینه حضرت سیدنا حمز
رضی الله عنه حضرت لرینه جمع اولور لر
مدینه منوره یه برحق ساعت جبل
أحد قریند مستقل تربه شریف لری وارد
اطراف شهید ایلر مملودر شهید اولان
دندان سعادت دخی آند در تحویل قبله اولان
چفته محراب و محله قریبدر اطرافنه

چادر قورب صباحه دك شتلكلرايدوب دعالر
و نيازلايدرلر كرك شهرده و كرك صحرا ده موجود
اولا صبيان او كيجه فشكلا آتوب حجاج مسليته
وصره يه سلامتي اچون دعايدرلر كه اوكون
استانه عليه ده صرم اسكداره كچر كوزل عادتله
الله جمله مزي او مجلسه داخل ايليه آمين
ودخي معلوم اوله كه ماه مزي بورك يكرمي اوچنده
رجبيته ديرلر قبيله عربدن كروه كروم كلمكه
باشلر اوج كون اوج كيجه بر جمعيت اولور كه
جج وقتندن چوق زياده اولور حتي كرك
درون قلعه و كرك حرم شريفك اچي آدم
در ياسي اولور كه ايكل ايكل يكلر و بونلر بر رتبه
عاشق كه وصفه كلز و بونلره اهل بلده ركا
تعبير ايدرلر جمله سي هجينلر ايله كلورلر
عياللري ياننده نفقه لري ياننده كي تمندك

و كي

كي يمندن و كي مكه دن و كي طائفدن و كي
شرق دن و كي ينبوع دن عوالم دن قبادن
فوج فوج قبيله قبيله يوزلري توزايله ملع
كوزلرندن يغور كي ياش آرق قصا شدر
او قيارق الصلوة والسلام عليك يا شفيع
المدنبن يا رسول الله الامان ديوفر يار و فغان
ايدرك حرم شريفه داخل اولوب يوزلر كي
يره سوررك حضوره واروب عتبه سعا
صاريلوب بر مرتبه بكايدرلر كه انسان
متحمل دكلدر بر آرمك قلمي طاش اولسه
ياغ كي ارير و بو اسلوب اوزره اوج كون
اوج كيجه حرم شريفك ايجنده حلقه
حلقه حضوره قارشوا و تورلر ايجلرندك
بريسي آخان عربيله مدح رسوله باشليوب
بر مقدار او قيوب بند باشلرندك جمله سي

بر آغز دن بکا ایدم رک مرحبا بك يا محمد مرحبا
مرحبا في مرحبا یا هلال هل من واد القبا
یا اظهر الدين و بنا دیو فریاده باشلر لر
حرم شریفك ایچندم حاضر اولنلرك وجود
بلا اختیار لر زناك اولوب هر مویلری اوق
کی لباسندن طشم چیقوب کوزلرندن
آقان یاش تعبیر اولمز و کیمسه طاقت کتورمز
هر کس مبهوت اولور لر اوج کون اوج کیجه
بو حال اوزره اولور لر دور دخی کونکه معراج
کیجه سی بعد صلوة العصر باب الرحمة اوکینه
حضوره قار شو بر کر سی قیوب معجزه نبی
و معراج محمدی قراءت اولنور جمله اشراف
بلد حاضر اولور لر حرم شریفك ایچی
طاشی و او میدان بر رتبه جمعیت اولور
ایگنه بر آقسن یره دوشمن چاق کونش غروب

ایدنجه

۱۸
ایدنجه صلوة و سلام ایدر لر بر مهابتلی مجلس
اولور که وصفه کلمه مثاله عرفات اوکیجه
کما فی السابق آیینلرینی اجرا ایدوب شافعیله
صبح نمازینی قلوب جمله سی بردن هجینلرینه
سوار اولوب صباحه بر ساعت قاله بکا
ایدم رک الوداع یا محمد الوداع دیو فریاد ایدم
قصیدم لر اوق یارق بلد لرینه عزیمت ایدر لر
جمله اهل بلد بونلرم استقبال ایدوب بونلرك
آه و اینلرندن متأثر اولوب بکا ایدم رک
خانه لرینه عودت ایدر لر بلد ایچندم اوکون
کیمس لر قالمز و بونلر ولایتلرند واروب تمینه
ایدم یور لر السنه عربده بوکه حج نبی تعبیر
ایدم یور لر سنه ده بر کره مخصوص افندیمز
زیارت ایچون کلیور لر بو آیین حسنه اولدوغنه
شبهه یو قدر همان جناب مولا قلمزده عشق

رسول الله انما فانا مريد ايليه آمين يا رب العالمين

باب احوال شعبان

وليلة براءت معلوم اوله كه شعبان شريفك
اون بشي كچه شاهين شاهين تعبير ايد لر
جمله صبيان مدينه الوان كاغد لرايله وتلر
ايله مزین اولمش فنرلر تدارك ايدوب هر برسی
اولتوز قرق الی پاره یه دك هر كسك آنه سی و بابا
فقیر و غنی الیور لر یتیم اولنلره غنیلر
الیور لر بو اسلوب اوزره جمله بلده یی دور
اید لر هر اوردن شمع و خرما ویر لر قلوب
صبیانی تطیب اید لر وینه ماه مزبورك
یکرمی طقوزندك جمله صبیان خارج صور
الای ایدوب ایچندن بری شیخ الحرم وبری
قاضی بلده وبری امیر حج اولوب مکمل الای
ایله رمضان شریفی تعظیم لرایچر وکتور لر

بودخی

بودخی رمضان شریفی تعظیم قاعد بلده وعاد
صبیاندر برکوزلشی الله جمله یه رؤیت نصیب ایلیمین

باب رسم رمضان شریف

معلوم اوله كه رمضان شریفك جمله اهل مدينه
حرم شریفك افطار اید لر اولکرده او وقت
براركك یوقدر طعاملری خاتونلر آماده
اید لر هر کس حرم شریفك نمازی قیلن مسافر
وارایسه آلوب خانه لرینه کلوب طعاملری
ایدوب وقت عشاء قدر مذاقلرینی اجرا
اید لر اما بو وقت افطار بر مرتبه ذوق
روحانیدر كه وصف اولماز اولاختشامه
یارم ساعت قاله سقالر محزنلره محفوظ
بوز کی عین زرقه صوینی زورقلرله کتور
هر کسك او کینه اوچر بشر زورق قور لر اولی
اولنلر ك خانه لرندك افطار لر کلوب اوکلرینه

قورلر برتبی ایچنده اوفق طباقلرایله بورك
پنایر خرما حلوا و اوستی پوشیده لیدر بو
منوال اوزره هر کس حضوره قارشو متوجه
اولورلر کی تلاوت و کی دلائل اوقور و کی
ذکر ایدر و کی بوینگی اکوب بکا ایدر حرم
شریفک ایچی بر حال کسب ایدر که انسان
طاقت کتورمز نور محمدی لمعان ایدر
برده ازانلر باشلر هر کس صبا غند و صولنده
اولنلره تفضل یا اخی دیوب افطار ایدرلر
اوج بش دقیقه اقامتی تأخیر ایدرلر اولزمان
غریبایورر هر کس باقی افطاری آنلره تقسیم
ایدرلر جمله سی متنع اولور بعد اقامت اولور
نمازی قلارلر منوال مشروح اوزره هر کس
خانه لرینه کیدوب صفا لرنده اولورلر
بو افطار حرم شریفک اوجیوزیرده اولور

باقیسیله

باقیسیله جمله غریبا کفا فلنورلر بر ایو عادتدر
زیرار مضانه قریب اطرافدن قتی چوق فقراء
وغریبا جمع اولور غالباً احتمال غریبایه اطعام
ایچون حرم شریفه افطار ترتیب ایتمشلر دیو
بوفقییرک خاطر مه کلدی زیرابوقدر غریبای
اولره کتورمکه متحمل اولمدوغی ایچون بونظماً
ویرمشلر دیو جزم ایلدم لکن بویله
دکلسه دخی اعمال حسنه در

باب اداء صلوٰة ترویجه

وقتاکه صلوٰة عشائی جماعت واحد
ایله ادادنصکره ایکیشر رکعت سنتی
قیلوب هر کسک بشقه بشقه اماملری
وارددر اولتوز قرق یرده جماعت اولوب
کروم کروم صلوٰة ترویجه بی ادایه باشلرلر
هر امامک اوکنده برر کویکی فیزی وارددر

کمی پیش کمی صارو کمی قیرمزی کمی بیاض درلو
 درلور نکلا ایلہ حرم شریفک ایچند کمی الله
 اکبر دیر کمی او قور کمی سلام ویر بر صفا
 بر جنبش که غنا کلز ختم ایلہ قلان سوره
 ایلہ قلان وار هر بری بر درلو وقتا که تمام
 اولور صکره موم آلائی اولور اودخی بر عجب
 رسمدر چونکه هر کیجه ایکی آلتون کبیر شمعدان
 ایلہ بال مومی حجره سعادته ینار امار مضان
 شریفه مخصوص اولان سکر شمعدان واردر
 اندرخی اولوز کیجه ینار هر کیجه او شمعدان
 بعد الترویجه آداب و تعظیم ایلہ آلائی ایدو
 آخری حرمده موم خزینه سنه کتور لر
 بر غریب ارکاندر و بو حجره شریفک موملر
 چقار مغه برقاج کون اول تذکره ویر لر
 داخل تذکره اولمیان بو خدمته نائل اوله من

زیرا

زیر اهر کسی داخل تذکره ایتمز لر اعیان و اشرف
 علماء و مد رسین ائمه و خطبا حاکم بلاد
 و حاکمه متعلق اولنلره مخصوص صدر حمدا
 لله تعالی بهمت اولیاء الله بو بیچاره او خدمت
 جلیله ایلہ شرفیاب اولدم قاضی بلاد یه
 تعلقم سببیلہ خادم رسول الله اولدم

باب رسم آلائی

معلوم اوله که اولاشیخ الحرم و نائب الحرم
 بول ینلی بر رفراجه و او زرنندن طریق
 سعديه نقباسی که بر رشال بغلیوب
 او چلرینی قویو ویر لر جمله سی بوقیافتله
 حجره سعادته قیوسنه جمع اولور لر که آکا
 باب شامی دیر لر اغالر طرفند میلدانه
 قار شودر ایچرودن نوبتی اغالر کلور قیوی
 کتاد ایدر لر بعد شیخ الحرم و نائب الحرم

ایکسی حجره شریفه کیر لر ما باقیسی قپوره
صلوة و سلام ایله منتظر اولور لر شیخ الحرم
و نائب الحرم ایکی کبیر آلتون شمعدان الوب
تعظیم ایله موم حجره سنه کتور لر باقی رمضان
مخصوص اولان سکر عدد شمعدان برر
اغا تعظیم ایله کتور ب باب حجره شریفه
او خدمت جلیله یه باتد کره مامور اولان
ذوات علی مراتبهم تذکره سنه قاجانی موم
یزار ایسه آنی تعظیم ایله الوب صلوة و سلام
ایده رک دیزیلور لر او وقت حرم شریفه
ینان محراب و مواججه موملری فرشتین
برر الوب جمله سی کلوب الایه دیزیلور لر
حجره شریف موملری ایلر و و حرم شریف
موملری آردنجه کتمکه باشلر ایکی طرفنده
اولوز قرق اغا فراجه ایله درت عددالی

عصا

عصالی چور باجی اوکنده آغراغر تعظیم ایله
موم خزینه سنه کیدر کن مؤذنلردن بری
حجره شریفه قارشو بر یوکسک یرده بلند آواز
ایله آغراغر افند یز علیه الصلوة و السلام
وصفه باشلر بعد صلوة و سلام و اصحاب
کرین افند یلر نیزی یادایتد کد نصکره پادشاه
دین اسلامه و حجاج بیت الحرامه و سائر ارکان
دین دولت علیه یه و جمیع امة محمد دعا ایدو
فاتحه اولنجه قدر موملر خرما بغچه سنه وار
او محله صبیان مدینه قارشو کلوب اللرنک
موملری الوب سرعت ایله قوشارق موم
خزینه سنه کتور لر بعد هر کس محللینه
کیدر لر لکن بو مجلس بر رتبه صفالیدر که
هیچ قاله کلز بر کره کوره نک حیالی کوزندن
کتمز الله عظیم الشان کمتیناره رؤیت

بوفقیه تکرارینی نصیب ایلیه آمین

باب وقت امساك

معلوم اوله که امساك بر چیق ساعت قاله
هر کس یکنی ییوب بر راییکشر حرم شریفه
جمع اولوب حلقه حلقه اولور لر موملر
ایله کی تلاوت قرآن کی تلاوت دلائل و کی
ذکر و تسبیح باشلر لر حرم شریفک ایچنده
کاغذ خانه چاغلیانلری کی عبادت صدق
آسمانه چیقار روضه مطهره نك رایحه
طیبه سی حضار مجلسی مست ایتمش ملائکه
عظامک قنارلرینک روزکاری مشاهد
اولنور مناره لرده قصائد لر صلوة و سلاملر
اوقنور بو ذوقیله ذوقیاب ایکن وقت تقرب
ایتدیکی کی اصحاب خیراتک و قفلری اولان
سقالر تلاتین قربالر ایله بوز کی صولری

کتوب

کتوب یال دزلی طاسلر ایله امت محمد سبیل
باشلر لر استکلی اولنلر امساك ایدر لر بعد
وقت کلوب مؤذنلر ازانلره باشلر لر تمام اولدو
کی رئیسینه مناره سنده که مؤذن اینوب
مواجهه سعادتک شبیکه شریفک اوکنده
کمال خضوع و خشوع ارب تعظیم ایله دورب
برکرة الله اکبر الله اکبر دیوب اذان محمدیه
باشلر یغی که مقدما ذکر اولنان عبادت
صداسی قطع اولوب صییت و صدق قالمز
حاضر مجلسک دخی لیاقت قالمز چنکه اشهد
ان محمد رسول الله دیر کشتی یقاسنی چاک
ایدوب طاعلره دوشمکی کلور صبری ممکن
دکدر کوزلرینک یاشی یغور کی آقار کیمسه
اختیار یوقدر بعد اذان سنته شروع
اقامت اولوب شافعیله صباح نمازینی

قلار لر دخی حنفی وقتنه بر ساعتک زیاده
قالور صبا حه دک درسار مکتبلر اوقنور
بعد طلوع الشمس هر کس خانه لرینه کیدوب
وحدت ایدر لر وقت ظهره دک اوتوز کون
اوتوز کجه بوذوقيله ذوقیاب اولور لر الله تعا
جمله یه اوردولتی نصیب ایلیه آمین

باب اداء صلوٰة عید

ورسم بیرام معلوم اوله که صلوٰة عید
بر بیرام شافعی بر بیرام حنفی قلار لکن
شافعی اون بش تکبیر ایلله قلار چونکه آنلره
واجب یوقدر اون ایکی سی سنت اوچی فرضه
قبل الشروع مؤذن الصلا قبلکم الله دیو
ندا ایدر اقتدا ایدر لر افتتاح تکبیری
قبل القراءة تکبیر بغله رکوع ینه قبل
القراءة تکبیر بغله رکوع جمله سی اون

بشدر

بشدر ایکی رکوع بر افتتاح فرضدر باقیسی
سنتدر بعد خطبه قراءت اولنوب دعا
اولور صکره جمله سی بردن مواجعه شریفه
واروب عتبه سعادت یوز سورر لر صلوٰة
وسلام ایدوب ابتداء رسول اکرم ونبی
محترم صلی الله علیه وسلم افندیز ایلله
معا ایدر لر صکره خانه لرینه کیدر لر
برکرة ملاحظه ایلله که بر عید که رسول الله
ایلله معا ایدم اولنه عیدین وسعدین
دکلیدر بودولتله شرفیاب اولمغه مال
دکل بلکه جان فدا اولور همان الله عظیم
الشان قلمزدن حب سوا یی دفع ایدوب
زیارت شریفیله محزون کوکلی مسرور
ایلله آمین بحرمة سید المرسلین بیت
صقین بو فرصتی چیقارمه الدن سنی

سن قایر سین او ممه الدن مفهومی اوزره
منزل مقصودینه برکون او کوردی واری
کور. اللهم یسر. بعد اوج کون شنلک لراید
قلعه دن طوبلر اتارلر بر برلرینه کیدر لر کلور
اند قهوه و بر بردگانی یوقدر یا مسجد ده
یا خانه لرنده اکلنورلر دکان یوزی ادبدر
صغیر و کبیر طالب و عالم بابا و اولاد جمله
بر برینک الین او پرلر مانع دکلر بابا اولادک
اولاد بابانک کذا و کذا بری برلرینک هرزه ده
اولور سه اولسون الین او پرلر صاقمه یوقدر
و هر بر نماز عقیبندک یمین و یسارنده اولان
فقیر و غنی بای و کذا البتته ال او پشترلر
سنتدر دیرلر لکن بر اعمال حسنه در
صاحبنی کبردن حفظ ایدوب محبتته بر
وسيله در تمام اولدی

باب عرض

باب عرض دین جیران

حضور حبیب رحمن معلوم اوله که ازی
القعد ناک اون یدنجی کیجه بین العشائین
جمله اهل بلاد حضور سعادت و اروب
هر کس دینی عرض ایدوب یا رسول الله
شوم مقدار دینم و ارا احسان ایله دیو صلوة
و سلام ایدک شک شبیکه دن ایچر و بغداد
بر اقرلر تراکم ایدک بغدای اغالر الوب اتمک
یا یوب بعضی کیمسلره هدیه ایدر لر مجربدر
اوستنه حجاج کلوب کیدنجه بر کیمسنک
دنیاره هیچ بیلدیکی اولمسه دینی قدر شئی
بهر حال فتح اولور حتی بو بیچاره دخی
او کیجه تفکر ایتدم بورجم یوق بودولتد
محروم اولیم و دفتر رسول الله اسمم قید
اولمسی ایچون بر مقدار بغدای الوب

یارسول الله بود رویش احمد دردمندگی
عطیة احسانگله مسرورایله دیوب
صلوة وسلام اید رک براقدم بحرمه
بنی اوسنه بغدادی عددنجه فقیره آلتون
فتح اولدی اسلامبولدن مامول اولمیان
یرلردن مکتوب ایله صتم لرظهورایتدی
حتی ارض رومدن قرقرغوش کلدی بویله
محریدر اسرارمدینه دندر **حکایت اولی**
معلوم اوله که اهل بللردن شویله منقول
برکیمسه عیالیه شویله عهد ایتیشلرکه
سینگله بوسنه قناعت اید لم پورج
ایتمیه لم زیراهرسنه حضور واروب
یارسول الله شول قدر دینم واردیمه دن
حجاب اید پورم دیو کمال ادبندن اوسنه
بورج ایتمه مشلر اماچن سنه دن

بغدادچی

بغدادچی به برالتون بورجی قالمش لکن خاطرنک
چیقمش وقتا که اوکیجه کلدی هرکس جمع
اولدی دیننی عرض ایتکه او ذاتک بورجی
اولدو غندن او مجلسه وارمدی اوکیسه
اوکیجه معناسند کوررم حجره شریف
کشاد اولمش برعالی دیوان قورلمش سعادتله
افند یز علیه الصلوة والسلام برکسی
اوزره اجلاس بیورمشلر جمله اصحاب
مجلسه حاضر حضرت شاه ولایت افندیز
یدنک بردفتر اهل مدینه بی بربر اصحاب
افند یلریز حضوره کتورب یارسول الله
فلان بن فلان شوقدر دیننی واردیو عرض
اولند قن ویرلسون دیوسعادتله امر
بیورد قلرند شاه ولایت افند یزیدنک
دفتره قید بیور یورلر اوکیسه دخی حضور

واروب عرض اولند قد سعادته خطا ایتمشلرکه
چکن سنه دن برالتون بغدادیچی یه ویرلسون آنک
بوسنه بزه احتیاجی یوقدر دیوامر بیورد قد
بیچاره درد مند آه وانین ایله وجود گرزناک
اولوب بکاء شدید ایله برکزه بیدار اولوب یوز
اوستنه سوزینه رک حضور سعادت واروب
عتبه یه یاپشوب امان یار رسول الله عفوایله
من کیم اولام که سکا احتیاجم اولمیه اون سکر
بیگ عالم سکا محتاجدر یار رسول الله امان
الامان دیو عظیم بکایدن رک تابستغفر
اولوب آخر العمر بورجدن خالی اولدی دیو
نقل اولنور آنک بور جسزلق ممدوح دکدر
اهل بلده یی کیمسیه محتاج ایتمز آنلرک غنائی
قلبلری نظام حاللری وارددر همان جناب
مولاجمله یه عاقبت خیری احسان ایلیمه آمین

حکایت

حکایت ثانی نقل اولنور که اهل بلده بیننده
مشهور درر که اناطولی جانبنندن برعاشق
وصادق کلوب مجاورت ایدوب متاهل اولمش
مدت و آفره اقامت سببیلله حجره شریفده
برخدمت جلیلله ایله مشرف اولوب برزمان
چدکک محموم اولمش حرارت حمالله برکون
خاطرینه کلشکه شمدی ولایتده اولیدم
شوفلان یوغرتدک برطاس ایران ایچیدم
دیو خاطرندن چمش مع هذا السانه کلمه مش
ایکن اوکیجه شیخ الحرمه سعادته امر بیور مشلرکه
بزم فلان خدمتمری حجاج ایله کلیور فلان
کیمسیه ویره سون شیخ الحرمه آداب ایله
یار رسول الله او خدمته امتکدن فلان کیمسه
مأموردر دیدکک سعادته بیور مشلرکه
او کیمسیه بزدن سلام ایله وارسون ولایتده

ایران ایچسون دیو امر بیور مشلر ایرته کلوب
اوداته اوندک شیخ الحرم امر شریفلرینی تبلیغ
ایتدیکی آندک سمعاً و طاعة دیوب بلدک سنه
عزیمت ایدوب کتدی دیومشهور در
بوندن بزم برشی فائده اولابر کوکلده ایکی محبت
اولمز وهم برکشتی مجاورت مراد ایدرسه کند
تزکیه ایشسون جمیع متلذذات دنیادان
چشم اینه قالسون یوخسه برسنه مسافینه
بلدک سنه کتسون هر نقدر مسافرین نقصان
اولورسه ده معذور در بو محله امام اعظم
قولی اوزره حرکت لازمدر زیر ابیور مشلر که
بزه خیر لیدر بز بوندک کوکلز بغداد ده اولد
بز بغداد ده اولبد کوکلز بوندک اولمه دیو
جواب ویر مشلر الله عظیم الشان کوکلز دن
جمیع محبتی محوایدوب کتدی عشقیله

ورسول
لینک

ورسولینک محبتیله مملوایلله آمین

باب رسم ولادت

وردخی معلوم اوله که قاعد بلدک برکیمسنک
بر اولادی دنیایه کلسه قرقچی کونی برقات جد
لباس کیدروب پاک غسل ایدوب صاچنی
طرار لر کلاب ایله یاغ ایله تعطیر ایدوب والد
باباسی اقربا و تعلقاتی جمله سی جدید لباسلر
ایله طاهر بعد صلوة المغرب حجره سعادت
کتور لر جمله اغالرایله حجره شریفه داخل
اولورلر بعد مذکور معصومی یا مستسلم
یا نقیب حرم الینه آلوب دستور یار سول الله
دیوب صلوة وسلام ایدرک پوشید
سعادتک آلتینه قیوب اوستنی اورترلر
جمله سی قائماً صلوة وسلامه باشلر لری کر
دقیقه مقداری مکسر اولدقدن صکرهینه

مکت

دستور یار رسول الله دیوب معصومی محمّدک
اخذایدوب والد سنه تسلیم محمّد کنورلر
اغالرك بخشیشلری واردرویررلر اویله
مشهوردرکه نقدراغلمعصوم اولسه هیچ
صداسنی چیقارمز وهم کثری آغزی دپرنه رک
چقار حضرت رسالت پناه افندیلمز مبارک
ید سعادت لریله خرما یدیرر دیومشهوردر
آنکیچون مدینه ده دنیا یه کله نک رجحانی
واردر بلاد سائر ده دنیا یه کله نک اوزرینه
زیراید پیغمبر یدن خرما تناول ایتدیکی ایچون
اهل مدینه یه محبت افندیله راجعدر الله
قلبنده محبتلونی انا فانا مزدا ایلیه آمین
بعضی کیسه ضرب مثل یرینه قارشومک
مدینه فقراسی کجه نه دور رسک دیوتعبیر
ایدرلر عیاذ بالله تعالی تحقیره مقارین

اولورسه کفر شاعبه سی واردر الحذر
هذا الكلام اهل محبته بروجهيله تحقیر
موجب کلمات و وضع حرکات یا قشماز
بالکه اهل مدینه یی کوردیکی یرده قیام تمک
واجبه ذمتمزدر زیراهم جیران سعادت
هم مرده غریب هم مسافر آنلره تعظیم و اکرام
افندیله راجعدر علیه الصلوة والسلام
جیرانی پک سور اویله اولنجه عاشق رسول
الله اولنلره لازمدرکه افندیسنک سودیکی
اودخی سوب تعظیم ایلله اکرا اهل مدینه نک
اهل رومه ایتدیکی اکرام تعظیمی بزلر مقابله
ایتمکه قدرتمز یوقدر بزلر ایتسک اچه ایلله
ایدمرز لکن آنلر مالاً و جاناً اکرام ایدرلر
لیل و نهار اهل رومه ازدل و جان دعا ایدرلر
اک فقیری بر حاجی یه ایتدیکی اکرام یکر می

غروشته اولمز اويله منعم ذاتلردر حتى حج
وقتي بر آدمك اوينه بر مسافر اولوب اطعام
اولمنسه عند لرنك او كيمسه مدخولدر زيرا
ديرلر كه اكر سن آدم اوليدك سنك خاندك
بر قاج مسافر حاجي اطعام اولنور ديو خطا
ايدر لر اوسببدك بلدك بلدك كيم اولورسه
استقبال ايدوب نياز ايدك خانه لرينه
دعوت ايدوب اطعام طعام و چاشوريني
غسل ايدوب تميز يا تفلرايله رجال و نسائي
بر رتبه اكرام ايدر لر كه سنك ايتديك اكرام
ينه سكا مصرف ايدر نتيجه سني محبوب ايدر
اويله اولنجه بزه لايق دكلدر كه بلده مزده
آنلك مسافر تندك روگردان اولمه مقدما
آنلك حقند اولان اوصاف معلوم ايكن
بومقوله شيلره دقت لازمدر همان حج ايدوب

كلكله

كلكله اولمز وهم برسنه مجاورت ايدوب هر بر
شيئه دقت ايدك اصحاب ايله الفت ايدك
سؤال ايدك سنه كامل تكميل ايدرسه بواسرار
واقف اولور همان جناب حضرت الله محبترايله
قلمري املا ايدوب دائما حقلرينه رعايت
ايتمسي بزه موفق ايليه آمين

باب وصف بقيعه شريف

وردخي معلوم اوله كه بقيعه شريف خارج
صورده بر محل مباركدر وصفه كلز قلعه
مدينه نك باب جمعه طرفند در جمله موتا
اوقپودن اخراج ايدر لر باب جمعه اغالر
طرفند حاره تعبير ايتدكلري يرده در
بقيعه ديدكلري خارج صورده اطرافي
ديوار ايله مسدود بر مزارستاندر ايچند
بشق بشفه قبه تربه لر وار و قپولري واردر

كذلك اصل بقیعه نك دخی درت بش یرده
قبوسی وارد و درون بقیعه ده فصقیه
تعبیر ایدر لرحد لر وارد رقبولی وارد در اکثر
آنك ایچنه وضع ایدر لر حساب کلمز علی روایه
یا لکز یتش بیک اصحاب کرام وارد یرلر شهدا
هیچ عدد قبول ایتمز اوآندن شووقته دك کوچن
اهل بلد حاجی قیاس ایت مستقل مزارلرقتی
چوق اما بر غریب اسرار بو کون بر موتای دفن
ایتسلر ایت سی کون اوزرینه بر غیر یسنی دفن
ایدر لر اول دفن اولاندن اثر یوقدر خاک شریفی
محلّه در وهم تابوت یوقدر اركك و دیشی
گفنیله دفن اولور حد یا یوب اغزینی کرچله
سند ایدوب اوزرینه طپراق قورلر آند تعفن
اولماز وهم اثرده اویله وارد اولمشکه یارین
محشر کونی بلا حساب ولا عذاب کول سببی

سیلکر

سیلکر کی اهل بقیعه بی جنته سلکسه لر
کرك اویله بر محل مبارکه ده دفن اولمه دمه
بر کیسیه مقدر اولمز اگر اولور سه بوندن
بیوک سعادت اولمز کله لم بقیعه ده اولان
قبه لرک ایچند اولان ذات شریفله اولان
حضرت عثمان رضی الله عنه آخر بقیعه ده
مستقل برقبه در آنك قارشو سند
مرضعه النبی صلی الله علیه وسلم حلیم
رضی الله عنها برقبه در و وسط بقیعه ده
عم النبی علیه السلام حضرت عباس
و حضرت سیدنا حسن و حضرت امام
باقر و امام زین العابدین رضی الله عنهم
علی روایه حضرت فاطمة الزهراء رضی الله
عنها حضرت تبری بومذ کورات حضرت ائمه
معاً برقبه در عبد الله بن مسعود عثمان

بن مظعون که افند یزک سوت قردا شیدر
افند یزک او غلی ابرهیم رضی الله عنهما حضرت
جمله برقبه در حضرت عقیل بن ابی طالب
رضی الله عنه برقبه در بنات رسول الله صلی الله
علیه وسلم رقیه زینب ام کلثوم رضی الله
عنهن ازواج طاهرات رضی الله عنهن و یس
برقبه در امام مالک رضی الله عنه برقبه
نافع مولا عبد الله بن عمر رضی الله عنه برقبه
یونس بن قبیعه در و نند در خارج قلعه
قیوسیله بقیعه بینند یکی قبه دخی وارد
بر یسی سعد بن معاذ رضی الله عنه بر یسی
ابو سعید الخدری رضی الله عنه دخی باب
شامی طرفند شرق جانبد مدینه به بر
بچق ساعت عم رسول الله حضرت سیدنا
حمزه رضی الله عنه مستقل تر به در

درون قلعه ده باب مصر ایله باب صغیر
بینند حصار دیدند غزاه احد ده علما
ایکن شهید اولوب سرینی الینه الوب محل
مذکوره کلن مالک بن سنان رضی الله عنه
برقبه در اهل مدینه هر جمعه کجه سی بعد
صلوة العصر جمله سی صغیر و کبیر رجال
و نساء فوج فوج بقیعه زیارتینه کیدر
مراقدرک اوزرینه بر ردمت یونجه یاخود
یشک قور لر سنت شریف دیو هیچ ترک
ایتمز لر غایت سنت رسول الله رعایت
ایدر لر الله جمله مزی سنت شریفه تابع
و شریعت مطهره سی اوزره ثابت قدم ایلیه آمین

باب احوال جنازه

ودخی معلوم اوله که بر کیمسه وفات ایدر
هر حال محکمه دن اجازه تعبیر ایدر لر بر تذکره

۲۲
آلوده غسل غسال غسل ایتمز بر سینه ده قاج
آدم وفات اید را اجازه معلومدر و هم عادت
بلد بود که جنازه صاحبی هر یکمسه انگله
حاضر اولان جماعت جمله سی مصافحه
ایدر لر بعد جنازه فی الوب او کنده جهرا
ذکر الله اید رک باب الرحمه دن حرم شریفه
ارخال ایدوب دو غری حضور سعادت
کتور لر مواجهه پنجه سنه موتانک
باشنی طو توب قیاما صلوة و سلام اید رک
استشفاع ایدر لر بعد محراب عثمانی
او کینه وضع ایدر لر بعد الصلوة نمازینی
قیلا لر ارکشی نیتنه دیز لر الصلا
قبلکم الله دیر لر بعضی کره اوج بش جنازه
جمع اولور اگر جنس واحد ایسه یعنی هب
ارکک یا خود هب دیشی ایسه جمله سنی

بر نماز

بر نماز ایله اکفایدر لر بعد باب جبریلک
اخراج ایدوب توحید اید رک کتور بقیعه
دفن ایدر لر غسال ایله مزار حی یکسی برآمد
مقاطعه در شریف طرفندن التزام اولنور
آغشمه فریاد یوقدر بلد طیبه ده حکیم
یوقدر افند یزک دعاسی وارد بر یکمسه
خسته اولسه صوایچور لر اگر کچر ایسه
حضور سعادت واروب دعا ایدر لر اگر
ینه کچر ایسه وقت تمام اولدی دیو حاضر
اولور لر یعنی اولمدن خوف یوقدر جمله سی
مبشر کبیر زیرا اثر ده وارد اولمشکه مدینه
کورک کی و سخنی طشره اتار دیو بیور مشلر
البته او بلد طیبه ده ساکن اولان کرک
مدفون اولان جمله سی اهل سعادت در الله
عظیم الشان جمله مزی جوار رسول الله سن

آهل سعادت زمره سینه ادخال ایلویه آمین
زیرا اهل بلد ده چوق کیمسه مشاهد ایتمشکر
بلاد سائر لرده وفات ایدن اهل ایمان دن
بعضی کیمسه لرا مرحق ایلده مدینه منوره یه نقل
اولنور مش یعنی ساکن اولان و آندم مدفون
اولان اهل سعادت اولدوغنه بودخی
شاهد در بیت دریمنی پیشمنی
دریمنی مفهومی اوزره مجتهد قرب و بعد
یوقدر کشتی کی سوزسه آنکه حشر اولور
بیت کیمه کم عشقک نشانی واردور
عاقبت معشوقه آنی ایرکورر همان جناب
مولا قلمزده عشق رسول الله غالب ایدوب
قبل الموت زیارت مشاهد سینه ذوقیب
بعد الموت وصلت جوار یله شرفیاب
ایلیه آمین یارب العالمین

باب خارج و داخلند اولان حواریات

معلوم اوله که قلعه مدینه ایچند ایچ قلعه
دیرلر یدی قله کی بر مستقل قلعه سی واردور
اوجا قدر اغاسی نفراتی واردور محکمه تابع
قاضی بلد یه خدمت ایدرلر محضرلر و ترجمانی
و چاوشی اوجا قلیدر شیخ الحرم اغالی اوجا
نوبشتی تعبیر اولنور کتخدا سی و نفراتی واردور
حجره شریفه خدمت ایدرلر سپاه اوجانی
واردور مستقل اغاسی وار نفراتی وار لکن
شیخ الحرمه تابعدر قلعه ایلده سپاه اغالی
اتمکدر آستانه علیه دن چراغ اولورلر و بو
اوج اوجا غنک کرک ضابطی کرک نفری مسلح
کررلر اوجا قلی آندن معلومدر حتی خدمه
محکمه دخی سلاحله خدمت ایدرلر لیل
ونهار مسجد دخی اویله کیدرلر وجهی بوکه

خارج صورده محللر وارد راکثر حرب عربی
کلوب بعضی دوه اوکوز سریقہ ایتمکله هر کس
حاضر اولورلر برشی اقتضا ایدرسه اوه کیمدن
بولندوغنی بردن هر کس سکر دوب الندن الورلر
دائماً غر ناندن خوف اوزره اولورلر حتی قبايه
وحضرت حمزه یه و عوالله و سائر مسیره
بغچه لره برایکی کشتی کیدلر بشل اون کشتی اولوب
مسلم کیدرلر اهل بلاد نك اوجاقلیدن ماعد
صغیر و کبیر جمله سی برر سجاده برر چله و برر
عصا ایله کزرلر ریا یوقدر استهزا یوقدر
بری برلرینه غایت تعظیم و توقیر ایدرلر فقیر
وغنی صغیر و کبیر جمله سی اهل محبتدر غنائی
قلبلری وارد ر صبیح الوجه فصیح اللساندرلر
اخلاق حمیده صاحبیدرلر برر کیمسه بریله نزاع
اتسه بریسی کلوب صل علی النبی فاتحه دیدیکی

بکی اوساعت عفوایدوب قرداش اولورلر اصلا
غرض بلزلر وامور دینک مداهنه ایتمزلر کذب
اختیار ایتمزلر ظلمدن غدردن اجتناب ایدرلر
یتیملره فقرایه غریبایه مرحمت ایدرلر جمیع اطوارلر
سنت سنیه یه مطابقدر بویله مبارک مستجاب
الدعوه ذاتلردر سگان مدینه منوره وخی
خارج قلعه ده باب مصرک اوکی میداندر
قارشوسی اولر حاوشلردر یعنی محله لردر
باشندک مسجد نبی وارد ر سراپا چهار یار
افندیلر یزک برر مسجد لری وارد ر لکن
جمعه سی قیلنماز اما مسجد بنیدک جمعه
قیلنور حتی افندیلر علیه الصلوة والسلام
مدینه منوره یه تشریفلرندک ابتدا جمعه یی
آنک ادا ایدوب بعد ایچرویه تشریف ایتمشدر
شمعی سنت شریفدر برر کیمسه مجاورت

مراد آنست که ابتدا که جمعه آنده ادا اید و ب صکره
ایچرو کیرر حتی قاضی بلده طشره نزول اید و
جمعه به قدر اقامت ایدر اول جمعه بی آنده
ادا ایدر خطیبنه خلعت کید یروب بعد
صلوة الجمعة او جاقلی کلوب آلا ی ایلله محکمه به
کتور لر عادت بلده در خاطر مه بر مثال کلور که
عشاقانه رسم مدینه بی تفهیم ایچون مثاله
فرضی سلطان احمد جامع مدینه منوره
اوکی آت میدانی حجاجک قوندوغی بر قارشو سنه
اولان دفتر خانه مسجد نبی مهتر خانه به کلچنه
مذکور مساجد چهار یار دخی حاوشلر و محللر
بر هذاده در آت میدانی نیک بر باشند بیوک
سقا باشی بر باشند کوجک سقا باشی
ایاصوفیه جانبی باب شام طرفی اوکنده امیر
حج ایکی سقا بینده علی مراتهم حیمه لرینی قوردرلر

سائر حجاج اطرافنه قوردرلر اوردوی بازار در
سلطان احمدک آت میدانی نه آچیلن قیو
باب مصر عمارت طرفی باب صغیر که ایچ
قلعه قیو سیدر ایاصوفیه طرفی باب شام
کمر آتی طرفی باب جمعه یعنی بقیعه قیو سی
فافهم بر مثال ایتد مکه کید نلرک معلومیدر
بوندن عیان مثال اولمز حیالکده کور مش
کی اولور سک و السلام ایکی ساعت مقدار
مسجد قبا واردر غایت مبارک بر در محل
زیارت در حتی بر محل وار لمسجد استس علی
التقوی آیتی آنده نازل اولمشدر اطراف
باغ بغچه در هر شی واردر جمله سبزوات
وارددر لکن لکنه پوراصه قارنه بط
انکار یو قدر فواکه متعلق هر شی وار
قیزلق اریک موشموله امرود دخی

بعضی مناسبتن شیلر یوقدر لکن بوستان
اوزم عیوا انار الما چوقدر هله اناری
وخرماسی بریره اویمان موز وخرما ونبک
بو اوج شی یوقدر استانبولده خرمانک انوای
پک چوق لکن بعضیسنک اسمی غائب اولمش
لون تعبیر ایدر لر تازه سینه هیچ قرار اولماز
کرچه کراس فشنه یوق اما بدلی تازه خرما در
هربری بردرلو او لاخرما نوع بنی آدم مزاجیدر
حتی یدی اسم دکشور خرما اولنجه ابتدا چچکینه
طلع دیرلر اسم ثانی خلأل دیرلر اسم ثالث بلاخ
دیرلر اسم رابع زهو دیرلر اسم خامس بسر
دیرلر اسم سادس رطب دیرلر که تازه خرما در
اسم سابع تمر دیرلر مدینه ده موجود اولان
خرما لک اسملری چلی عجم هلیا حلوم تمر
بنی تبرجلی غریسه بیض ریق البنات زهر

۲۷
بو اسملردن ما عدا سینه لون دیرلر اطرافند
بغجه لر وارد رصولری چوقدر حوضلر
وارد ر دوق او کوز قوشارلر اکثر یونجه
اکرلر اهل بلد اکثری کیدرلر آنلرده تفرج
ایتمکة مقابل اولمه تعبیر ایدر صالی جمعه
بعد صلوة الظهر هر کس کیدرلر هربری
بروشی کتوردرلر اون کشی اولور اون درلو
طعام ایدر بری برلرینه بار اولمز لر بعضیا
مستقل ضیافتلرده اولور جمله سی اهل
صفادر غم و غصه یوقدر آنلر آلم بلزلر
الله عظیم الشان آنلری حبیب حرمته دائما
سرور قلب ایله رفاح حال ایله صفاء خاطر
ایلله امرار وقت ایتدیر یور هر کونلری عید
وهر کیجه لری قدر در هوا سینه صوبینه
هیچ قرار اولماز غایت لطیفدر بر آدم یگرا

بش وقیّه صواچر برکون برکیجه ده اصلا ضرر
ویرمز جمیع درده دوا در پیر خاتمدن کلوراسمنه
عین زرقه دیرلر قیوننی غایت سمیز کورک
ولذینانی واردر کندی غایت یواشدر بر
چو حق قولا غندن طوتر مکتبه کتور ربکی
کتور رکیدر هر کسک اونده بر ریایکی یا اینک
صغمانی واردر یاغنی چپک یاغنی بر مرتبه لطیفه
یوزینه کوزینه عطر شاه کی سورر لر کوزایله
صتارلر کوزی اون اون براون ایکی اوقه کلور
ایکی اوج درت اریاله ویرر لر بغدادی آریه
اردب ایله صتارلر اردبی یوزیکرمی وقیه
اون اون بش یکرمی یه قدر ویرر لر اریال
حسابیدر خرما پرنج کیکله ایله صتارلر
کیله سی پرنجک اوچیز درهم خرمانک بر
بحق وقیه در ات سبزوات اوزم بطمانیله در

۲۸
بطمانی ایکیوز درهم در جمله سی بویله در
اتکی اولرده پیارلر بعضی بدوی قاریلری
اتمک صتارلر غریبا آلور اهل بلد المزلر
لکن جناب مولا بحرمة البتی بر برکات ویرمشکه
اک فقیری سائر بلدنک غنیسی کچه چنور
برکاتی یوزه تقسیم ایتشلر طقسنا طقوزی
مدینه ده بری جمیع جهان تقسیم اولمشد
بر آدم کوند ایکی غروش مصرف اتسه بر قاج
مسافرله اوج بشدر لو نفیس طعام ایدرک
صفاء خاطر ایله چنور کیدر یعنی هر کس بو
فهمی اید مزاولور اولماز ادرملرک صحبتیله
یولگدن قالمه بو فرصت اله کیر مز صکره
پشیمانلق فائده ایتمن معاتب اولورسک
عاقبتند خوف واردر بنم قرنداشم سزله
مرحمت ایدرم کل مؤمن اخوة مفهومی اوزره

نیت خالصه ایله یازد مکه هر کیم قرأت
ایدر سه الله ذوالجلال قلبک عشق محمدیه
مزداد ایدوب و کند وی باب کر مکن اغنا
ایلیوب قریبا اول دیار مقدسه لری زیارتله
مسرور ایلیه آمین **بنم** قرنداشم اگرچه
بو عبد عاجز بیچاره مدینه منوره نیک حالت
ذوقدن بحث ایدیم دیسم تحریر ایله تقریر
ایله ممکن دکلدر ذوقی اوله رق بر از اسرار
وار که بهر حال رؤیته محتاجدر هر کس
استعدادی واعتقادی قدر قبینه کوره
اسرار و واقف اولور کی قاله کلور کی کلز
علی الخصوص کیجه لرینه هیچ دو یلر الله
علیمدر که کیجه لری بر رتبه منوردر که اهل
بلک فنر کتور منزلر اگر فنر چه کتور لر
اعیان و اشراف بلک کتور لر که فنر آنلرده

۲۹
رتبه در استانبولک بر هفته لك ماهتا
کبیدر هر کیجه سی منوردر کونلری عید
اکبردر سگاننه الله عظیم الشان هیچ الم
ویرمز دائما صفاء قلبیله در لر اصلا ضرورت
چکمز لر بر حاجت لری اولسه حضوره
واروب عرض ایدر لر او کون یا ایرته سی کون
بهر حال فتح اولور جیرانی کیسیه محتاج
ایتمز هند دن یمندن ایراندن ماوراء نهر دن
جمیع بلاد اسلامیه دن عطیه واحسانلر
کلور جناب مولار رسول حرمتنه جمله ایشلر
آسان اید یور بویله دخی نیجه اسرار لر وار کیم
کشفی جائز دکلدر و هم قاله کلز رؤیته
محتاجدر الله جمله یه نصیب ایلیه آمین
بنم قرنداشم بو عبد فقیر بیچاره استعدادم
قدر جناب فیاض مطلق محرم ایتدیکی

اسرارك بعضی قاله كلنلرینی قلله الوب واحول
 مدینه منوره یی تحریرایتد مکه اوقیان
 قرنداشلریمك قبلرند عشق محبت رسول
 الله غالب اولوب زیارتنه صرف مقدور
 ایدر سه الله کریمدر انشاء الله مقصودینه
 واصل اولور هیچ شبهه ایتمسون لکن قرأت
 ایدن اخوانمندن رجاء و نیاز ایدر مکه الله
 ورسول عشقنه بویچاره نك عاقبتی خیر
 اولوب ایکی جهان سعادتنه مظهر اولسی
 ایچودرونجه دعالری مأمول خالصانمدر
 اجرا ایدن قرنداشلریمك دین و دنیا لرینی معمو
 آخر و عاقبتلرینی خیر و جملة مقصودلرینه
 نائل واصل ایلیه آمین یا معین بحرمة
 سید المرسلین

م



قصورم وارا یسه عفوایت افندم
 که زیر ابر قصور بردرد مندم

م



که درم

